



Os veciños de Francisco Moure piden que se arranxe un buraco da vía

Os veciños da Rúa Escultor Francisco Moure de Monforte reclaman que Aqualia ou o Concello fáganse cargo dun gran buraco que hai na vía despois dunha avaría que afectou á rede de augas o pasado mes de maio. A empresa encargada do servizo tivo que levan-

tar o firme da estrada e as aceras para reparar aquela fuga e dende entón, acumúlanse na vía varios montóns de terra protexidos por un peche provisional. Os afectados consideran que despois de tanto tempo é o momento de repoiñar o estado da rúa. ▀

A Unión Europea aproba o sistema de certificación de Ribeira Sacra

► A denominación cumpriu o procedemento que garante a obxectividade do seu traballo

A. RODIL MONFORTE. O consello regulador da denominación de orixe Ribeira Sacra recibiu, por parte da Entidade Nacional de Acreditación (Enac), a súa acreditación como organismo certificador dos viños desta denominación conforme á norma ISO 17065. Segundo explicou o presidente do consello, José Manuel Rodríguez, é a Unión Europea a que exige ese requisito a

todos os organismos agroalimentarios. Na práctica é un xeito de garantir a independencia do persoal certificador do consello dos órganos de goberno da entidade.

A acreditación avala que a entidade ten a competencia técnica necesaria para certificar con total garantía de obxectividade e imparcialidade os seus produtos durante todo o seu proceso de elaboración. No caso dos viños, dende a recoll-

da da uva ata a elaboración do viño nas distintas adegas inscritas, o que avala a calidade do produto e a trazabilidade no seu proceso de fabricación. Esta acreditación, con recoñecemento internacional, outorga aos viños certificados mellores perspectivas de cara a súa exportación.

«É coma unha separación de poderes, os técnicos certificadores están así completamente aillados do pleno ou da dirección do da denominación», engadiu Rodríguez. «É un método que aumenta as garantías para o consumidor», dixo.

Con esta xa son tres os consellos reguladores vitivinícolas galegos que acadan esta acreditación, pois xa a conseguiron anteriormente os de Rías Baixas e Monterrei, e están traballando para a súa consecución os de Valdeorras e Ribeiro. Súmanse tamén a outros consellos reguladores non vitivinícolas que xa a teñen tales como os das IXP Terreira Gallega, IXP Pataca de Galicia, IXP Mel de Galicia e o Consello Regulador da Agricultura Ecolóxica (Craega).

A Margarita

A ALFONSO MATÍAS gustábanlle os puros e os monicreques a partes iguais. Tamén cando me traía co seu fillo Marcos no seu coche para mediados dos 80 desde Ourense a Chantada, a pregunta que esperaba resoaba entre a música e o fume do habano: «Levas a ferramenta?» Ás miradas cómplices de dous nenos explotaban entre sorrisos maliciosos e certo rubor pasaxeiro. Noutra ocasión, nun alarde trovadoresco recitou: «Chantada a bravía, cen bares e unha soa librería. A librería pechou. Pero os bares, non!».

A adolescencia da BH e Orbea, con sobredose de hormonas que desenvolvían os nosos instintos onanísticos máis primitivos (con revistas Interviu ou entre as leiras de millo), fumar ás agachadas os Fortuna mentolados nos xardíns do Casino ou a nosa primeira inxesta alcohólica no pub Boys, convertían a alternancia dos días e as noites nun xiro frenético cuxo ritmo desordenado proporciona a significación dos acontecementos contados.

Ir ver unha película ao cinema Yeca só era comparable coa contemplación tras os cristais da cafetería Los Ángeles, na Praza de Santa Ana, dun cubículo de aluminio que parecía unha cápsula espacial construída pola Nasa. A arte visual de semellante estampa, onde A Directa tiña reposo para recoller pasaxeiros, a parada de taxis alén da plazuela e as xentes cos seus quefaceres cotiáns, era rota por algunha aseveración de Manolo Vázquez 'Gatito' expulsando fume desde os seus Celtas sen filtro.

A don Xulio de Abreal tamén lle gustaba tomar alí as súas agustónicas: «son moi boas para eructar» dicía. Desde o interior podía escoitar a voz de Leopoldo de Soto resando profundamente na terraza, mentres, unha pequena figura enfundada nun mandil de pequenos cadros azulados e brancos, saía daquel estratosférico quiosco cun xornal na man para vender a un cliente.

Era de pequena estatura, a súa tez parecía coma se absorbese

NA VERZA

POR ALFREDO PARDO



todos os días raios UVA sen contemplacións, de ollos achinados e puchío floreado na cabeza. O seu pai Paulino Mariño rexentou unha das primeiras librerías de principios do século XX en Chantada e Margarita Mariño López, decidiu un 14 de decembro do ano 1967 solicitar autorización para instalar un quiosco para a venda de xornais e revistas, de 1,90 metros de fronte por 2,30 de fondo. Convertería o seu soño a finais de 1968.

Nese caos de celulosa impresa, con cámara frigorífica no exterior, Margarita desafiaba impunemente o principio de Arquímedes. Lembro unha fotografía realizada por Alfredo Valín (cando era director do xornal Achantada e publicada en formato poster) da quiosqueira diante do seu dominio: «parece o Bronx», asegurou Valín. Muller xenerosa e traballadora recibiu unha homenaxe no Folión de Carros hai poucos anos. Desde a privilexiada visibilidade no palco do xurado, estupefacto vexo ao Molina (o home de Sitiós) reencarnado en Margarita. A maxia dos carros e o seu folián remontan a contraño o curso do tempo e orientan nunha retrospectión natural este acontecemento.



Si buscas tu Toyota con las mejores condiciones solo tienes 72 horas



Consumo medio Yaris (l/100 km): 4,3. Emisiones CO2 (g/km): 99



Consumo medio Auris (l/100 km): 4,8. Emisiones CO2 (g/km): 112



TOYOTA

SIEMPRE MEJOR



Precio y equipamiento correspondientes al modelo Toyota Yaris 70 City-Pack City Sp. PVP: 15.850 €. Precio oferta 5.400€ y para el modelo Toyota Auris 120i Active-Pack Sense. PVP: 22.285€. Precio oferta: 14.000€. Estos precios incluyen Plan PIVE y promoción por financiación con Pay per Drive de Toyota CreditBank GmbH sucursal en España, sujeta a aprobación por parte de la entidad financiera. Modelos visualizados pueden no corresponder con el ofertado. Oferta válida hasta 16/07/2016 y para vehículos en stock.

Brogán Motor, S.L.

• C/ Newton, 1 Pol. La Grela - A Coruña Tel.: 981 160 099
• Rúa do Cabre, 16 Pol. de Bértoa - Carballo Tel.: 981 732 833

• Ctra. de La Coruña, 36-38 - Lugo Tel.: 982 219 800
• Parq. Emp. de Barreiros, 1 - Barreiros Tel.: 982 122 543